

Script of Evening Gojri News Bulletin 19 December 2024 at 1700 Hrs

ایوننگ گو جری نیوز بلیٹن مور 19 دسمبر 2024

یوہ آکا شوانی جموں ہے محبوب سلطانی تے محمد آصف لو دھی تیں خبر سنو۔ پہلاں خاص خاص خبر۔

*1. وزیر داخلہ امت شاہ غی طرفوں ڈاکٹر بہیم راؤ امبیڈکر غی شخصیت بارے دتا گیا بیان غا سلسلہ مانہہ حزب اختلاف غی طرفوں شور شرابا تیں بعد پارلیمنٹ غا دوہاں ایواناں غی کا روانی نانہہ اج پورا دن واسطے ملتوی کر دتو گیو۔

*2. مرکزی وزیر داخلہ امت شاہ اج نوی دہلی مانہہ اچی سطح غی میٹنگ غی صدارت کریں گا۔

*3. حکومت نے اک ملک اک الیکشن بارے بل نانہہ پارلیمانی کمیٹی نانہہ سوئپ دتو ہے۔

*4. امریکہ نے پاکستان غے خلاف سختی برتتاں واں ہتھیاراں گا غلط استعمال کیا جان غی وجہ نال تباہی پھیلن غا سلسلہ مانہہ دفاعی ایجنسی ور پابندی لا دتی ہے۔

*5. تے بھارت غی خواتین ٹیم غو ویسٹ انڈیز خواتین ٹیم سنگ ٹی 20 بین القوامی سیریز غو تیجو مقابلو اج ممبئی مانہہ کھیڈیو جائے گو۔

خبراں غی تفصیل نال پہلاں محمد آصف لو دھی۔

Parliament

پارلیمنٹ غا دوہاں ایواناں غی کا روانی اج لگاتار دو جے تہاڑے حزب اختلاف غی طرفوں شور شرابہ تے نعرے بازی غی وجہ نال پورا دن واسطے ملتوی کرنی پئی۔ واضع رہے جے آج سویرے جیساں ہی ایواناں غی کا روانی شروع ہوئی تاں حزب اختلاف غا ممبراں غی طرفوں 2 تہاڑا پہلاں ڈاکٹر بہیم راؤ امبیڈکر غی شخصیت بارے مرکزی وزیر داخلہ امت شاہ غی طرفوں دتا گیا بیان غا سلسلہ مانہہ کانگریس، ڈی ایم کے، سماج وادی پارٹی، تے عام آدمی پارٹی غا ممبر ایواناں تین مانہہ پُچ غے نعرے بازی کرن لگا، جس تیں بعد راجیہ سبھا غا چیرمین جگدیپ دھنکڑ نے ایوان غی کا روانی نانہہ ملتوی کر دتو۔ واضع رہے جے ایوان غی کا روانی ملتوی رہن توں بعد جد پیشی دو جے دوبارہ شروع ہوئی تاں حزب اختلاف غی طرفوں نعرے بازی نالے باتھا پائی غے دوران ہی جے پی جماعت نال وابستہ 2 ممبراں پارلیمنٹ زخمی ہو گیا۔ ذریعہاں نے دسیو ہے جے چیرمین غی طرفوں حزب اختلاف غا ممبراں نانہہ اپنی آئینی سیٹاں ور واپس جان بارے بار بار کہیو گیو ور حزب اختلاف نے نعرے بازی جاری رکھی، جس تیں بعد چیرمین نے کا روانی نانہہ پورا دن واسطے ملتوی کر دتو۔ اوں ہی جے پی جماعت تیں وابستہ پارلیمنٹ ممبر پینگنوں کو نائیک نے حزب اختلاف غا لیڈر راہول گاندھی ور الزام لاتاں واں کہیو ہے جے اُن نے پارلیمنٹ غے باہر بدسلوکی کی ہے۔

HM Amit Shah

مرکزی وزیر داخلہ امت شاہ آج نوی دہلی مانہہ سلامتی غا سلسلہ مانہہ اک اچی سطح غی میٹنگ بلاویں گا۔ میٹنگ غے دوران جموں کشمیر غی حفاظتی صورتحال غو جائزو

وی لیو جائے گو۔ واضع رہ جے اس میٹنگ مانہ جموں کشمیر غا لیفٹنٹ گو رنر منوج سنہا وی حصول لیں گا۔ ذریعے نے دسیو بے جے نوی دہلی مانہ منعقد ہون آلی اس اچی سطح غی میٹنگ مانہ قومی سلامی غا صلاح کار اجیت ڈووال، مرکزی داخلہ سیکریٹری گو ویند موہن، انٹلی جنس بیورو غا ڈائریکٹر تین دیکا، چیف آف آرمی سٹاف جنرل اپندرہ دیویدی، جموں کشمیر پولیس غا سربراہ سمیت کئی اعلیٰ عہدیدار وی شمولیت کریں گا۔ واضع رہ جے اس تیں پہلاں وزیر داخلہ غی سربراہی مانہ جموں کشمیر غی حفاظتی صورتحال غا جائزہ غی خاطر اک میٹنگ 16 جون نانہ منعقد ہوئی تھی۔

Encounter

وادی کشمیر گا گلگام ضلع غا کریری بھی باغ علاقہ مانہ حفاظتی دستاں نے دہشت گرداں بشکار جا ری ٹاکرا مانہ 5 دہشت گرداں نانہ ہلاک کر دتو گیو بے، واضع رہ جے یوہ علاقہ سرینگر شہر تیں 70 کلو میٹر غا چھنڈا ور بے۔ اس سلسلہ مانہ آکاشوانی سرینگر غا نمائندہ نے فوجی ترجمان غا حوالہ سنگ دسیو بے جے تصادم غے دوران زخمی دو فوجی جواناں نانہ علاج غی خاطر ہسپتال ٹوریو گیو بے۔ واضع رہ جے گئی رات دہشت گرداں غی موجودگی بارے اک سولگن تیں بعد علاقہ غی کہیرا بندی کی گئی تھی جس تیں بعد یوہ تصادم شروع ہو گیو۔ اس سلسلہ مانہ فوجی ترجمان غو کہنو بے جے تصادم اجوں جا ری بے مزید تفصیلات غی اجوں اڑیک بے۔

Digital Arrest

جموں کشمیر پولیس نے آج ریاسی غا سرکاری ہائر سکیٹیڈ اسکول مانہ اک کیمپ منعقد کر غے طالب علماں تے اساتذہ غے نال نال ضلع غا ہسٹیک لوکاں نانہ موجودہ دور مانہ آن لائن طریقہ کار غے ذریعے بکھ بکھ جرائم تیں بچن بارے ”ڈیجیٹل اریسٹ“ نامی پروگرام منعقد کیو۔ واضع رہ جے اس جانکاری کیمپ غو انعقاد دوجا سینئر پولیس افسراں تیں علاوہ پولیس غا ڈپٹی سپرنٹینڈنٹ نیرج کمار غی طرفوں کیو گیو تھو، جن نے اس موقعہ ور موجود لوکاں نانہ آن لائن طریقہ کار غے ذریعے ہون آلی دھوکہ دہری تیں بچن واسطے تفصیل نال جانکاری دتی۔ اس موقعہ ور بولتاں وان ڈی ایس پی بیڈ کوارٹر ریاسی نیرج کمار نے اس طرح کہیو۔ بانٹ۔

Sheetal Devi

تاریخی چوگان میدان کشتواڑ مانہ موسم خزاں بارے تہوار یعنی آٹم فیسٹ منایا جان غا موقعہ ور ضلع انتظامیہ نے اج ارجن ایوارڈ حاصل کرن آلی شیتل دیوی نامی اک کڑی غو زبردست طریقہ نال خیر مقدم کیو بے۔ واضع رہ جے شیتل دیوی نانہ گو لڈن گرل غو خطاب حاصل بے۔ جہیڑی جے دنیا مانہ تیز کمان چلان مانہ اول نمبر ور منی جائے۔ واضع رہ جے شیتل دیوی نے اتنو بڑو مقام حاصل کر غے پورا جموں کشمیر تے خاص کر کشتواڑ ضلع غا نوجواناں نانہ اپنا ہنر مانہ سدھار لیاں آلیے پاسے موڑیو بے۔

DC Doda

ڈپٹی کمشنر ڈوڈہ ہر ویندر سنگھ نے پچھلے تہارے ڈوڈہ قصبہ غو تفصیلی دورو کر غے چل رہیا ترقیاتی پروجیکٹاں ور ہوئی پیش رفت غو جائزو لیو تے نال ہی نال انہاں نے مقامی لوکاں سنگ گل بات کر غے ان غی شکایتاں غو ازالو کیو۔ اس دورہ غے دوران

ڈی سی موصوف نے بکھ بکھ ڈھانچاں غا کم کاج غو معائنو کیو جن مانہ گڈی کھلی کرن بارے کثیر منزلہ عمارت، پرانا بس اڈہ ور نالی غو کم کاج تے تجا رتی مرکز شامل ہیں۔ اس دوران انہاں نے ہدایت جا ری کرتاں واں کہیو جے انہاں پروجیکٹاں غا کم کاج نانہ مزید تیز کر غے متھی وی مدت اندر پورو کرن نانہ یقینی بنایو جا ئے۔ موثر ٹریفک نانہ یقینی بنان واسطے جناب ہر ویندر سنگھ نے متعلقہ افسراں نانہ ہدایت دیتاں واں کہیو جے گڈی کھلی کرن بارے کثیر منزلہ عمارت غی زمینی سطح آلی جگہ نانہ استعمال مانہ آئیو جا ئے تا نجے قصبہ مانہ ٹریفک جام نانہ کہٹ کیو جا سکے۔

مزید خبراں نال محبوب سلطانی ور اُس تیں پہلاں یوہ پیغام۔(یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی (دستیاب ہیں، اس تیں یہ خبر مہاری مو بائل ایپ تے ڈی ٹی ایچ ور وی دستیاب ہیں

US Sanctioned Pak

امریکہ نے پاکستان ور بلیسٹک میزائل پروگرام ور پابندی لا دتی ہے۔ اس سلسلہ مانہ یو ایس اسٹیٹ ڈیپارٹمنٹ غو کہنو ہے جے ان ہتھیاراں غا غلط استعمال تے ان غی نقل و حمل نال بڑا پیمانہ ور تباہی پھیلن غو خطرو ہے، جس خاطر پاکستان ور پابندی لا نی گئی ہے۔ واضح رہ جے این ڈی سی تیں علاوہ کراچی مانہ قائم اخترا یٹ سنز نامی پرائیوٹ کمپنی جہیڑی جے بین القوامی راک سائنڈ انٹرپرائز نال منسلک تھی ور وی امریکہ نے پابندی عائد کی ہے۔

JPC ONOE

حکومت اک ہی وقت مانہ اسمبلی تے پارلیمانی انتخابات منعقد کران غا سلسلہ مانہ آج 31 ممبراں ور مشتمل پارلیمانی کمیٹی نانہ پل ٹورے گی۔ واضح رہ جے یاہ پارلیمانی کمیٹی لوک سبھا غا 21 تے راجیہ سبھا غا 10 ممبراں ور مشتمل ہے۔ جن مانہ بی جے پی غا پی پی چودھری، انوراگ سنگھ ٹھاکر تے پرشوتم روپالہ، تے کانگریس غا منیش تیواری، پرینکا گاندھی، ٹی ایم سی غا کلیان بینرجی تے این سی پی غا سپریا سولے سمیت کئی دوجا لیڈر شامل ہیں۔

Ramban Animal Husbandry

مال چوکھر بارے محکمہ غی طرفوں رام بن مانہ روز مراہ غی بنیاد ور بکھ بکھ شروعات تے پروگرام عمل مانہ لیا جا رہیا ہیں۔ تانجے ماحولیاتی پائیداری تے مال چوکھر غی فلاح وبہبود نانہ یقینی بنان غے نال نال دودھ غی پیداوار مانہ بابدو کیو جا سکے۔ اس ضمن مانہ اک اہم قدم چاتاں واں ڈیری فارمینگ غا طریقاں نانہ بہتر بنان بارے محکمہ نے پہلاں ہی ڈیری، مال چوکھر فارمینگ واسطے کھیتی ٹیکنالوجی مشن ایجنسی ”آتما“ پروگرام غو آغاز کیو ہے۔ اس راہ غا پروگرام غو مقصد کساناں نانہ حکومت غی طرفوں اہم اسکیمیاں بارے جانکا ری فراہم کرنو ہے، جن مانہ جامع ترقیاتی سکیم، مربوط پولٹری ترقیاتی اسکیم تے قومی مال چوکھر مشن شامل ہے۔ نال ہی نال کساناں نانہ دودھ غی پیداوار مانہ اضافہ تے موثر ویکسین پروگرام غے ذریعے مال چوکھر نانہ محفوظ رکھن بارے سائنسی طریقہ کار بارے وی دسیو گیو۔ اس سلسلہ مانہ مزید جانکا ری دیتاں واں مال چوکھر غا چیف افسر ڈاکٹر سہیل کا ووسہ نے اس طرح کہیو۔ بانٹ۔۔۔

Cricket

بھارت تے ویسٹ انڈیز بشکا ر خواتین غی ٹی ٹوانٹی بین القوامی سریز غو تیجو تے آخری مقابلو اج نوی ممبئی غا ڈی وائی پائل کھیڈ اکیڈمی مانہ کھیڈیو جا نے گو۔ یوہ مقابلو بھارتی ویلا غے مطابق شام 7 بجے شروع وے گو۔ اس سیریز غا پہلاں دوہاں مقابلان نانہ اک اک ٹیم نے جتیو ہے۔ اُنکاں اسٹریلیا تیں اک روزہ بین القوامی سریز ہارن توں بعد بھارتی ٹیم اس سریز نانہ جتن غا عزم سنگ میدان مانہ اُترے گی۔

اس غے نال ہی خبراں غو یوہ بلیٹن ختم ہوؤ۔